



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐՄԱՎԻՐԻ ՄԱՐԶ
ԵՐԱՍԽԱՀՈՒՆԻ ԳՅՈՒՂԱՊԵՏԱՐԱՆ

ՀՀ Արմավիրի մարզ
Երասխահուն համայնք
04403792
թիվ 59
14.07.2015թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐՄԱՎԻՐԻ ՄԱՐԶՊԵՏ
ՊԱՐՈՆ Ա.ՂԱԶՐԱՄԱՆՅԱՆԻՆ

ՄԵԾԱՐԳՈՒ ՄԱՐԶՊԵՏ ՊԱՐՈՆ ՂԱԶՐԱՄԱՆՅԱՆ

Կից ներկայացնում ենք Արմավիրի մարզի Երասխահուն գյուղական համայնքի
դեկավարի 2015 թվականի I-ին կիսամյակի աշխատանքային գործունեության
հաշվետվությունը և հաշվետու ժողովի արձանագրությունը:

Առդիր 7 թերթ

ԵՐԱՍԽԱՀՈՒՆ

ՀԱՄԱՅՆՔԻ

ԳՅՈՒՂԱՎ



Ա.ԱՎԵՏԻՍՅԱՆ

ԱՐՄԱՎԻՐԻ ՄԱՐԶԻ ԵՐԱՍՆԱՀՈՒՆ ՀԱՄԱՅՆՔԻ
ՂԵԿԱԿԱՐԻ 2015_ԹՎԱԿԱՆԻ
I ԿԻՍԱՄՅԱԿԻ ԱՇԽԱՏԱՆՔԱՅԻՆ
ԳՈՐԾՈՒՆԵՌԻԹՅԱՆ ՀԱՇՎԵՏՎՈՒԹՅՈՒՆ

Քաղաքացիների իրավունքների պաշտպանության բնագավառում

-Համայնքի բնակիչների օրինական շահերը պաշտպանելու նպատակով 95 անգամ հանդես են եկել տարբեր միջնորդություններով կադաստրի տարածքային ստորաբաժանմունքում, նոտարական գրասենյակում, ոստիկանության բաժանմունքներում, քաղաքացիական կացության ակտերի գրանցման բաժնում և այլ կազմակերպություններում:

-Փաստաթղթերի պատճեններ, քաղվացքներ, տեղեկանքներ են տրամադրել համայնքի 185 բնակիչների: Օժանդակել են գյուղացիական տնտեսություններին բանկերից ֆինանսական կազմակերպություններից գյուղատնտեսական վարկեր ստանալու նպատակով: Արձակել են 2 կարգադրություն, ընդունել 29 որոշում, հրավիրել և վարել են համայնքի ավագանու 5 նիստ:

-Աշխատակազմի միջոցով կատարել ենք համայնքի 3 ընտանիքների ընտանեկան նպաստի համակարգում փաստագրման աշխատանքները, ինչպես նաև ազգաբնակչության ամենամյա սեռա-տարիքային հաշվառման աշխատանքները:

-Հրավիրել են «Խնամակալության և հոգաբարձության հանձնաժողովի 1 նիստ, քննարկվել են համայնքի անապահով և ծնողազուրկ երեխաների իրավունքների պաշտպանության, դաստիարակության, ուսման հետ կապված հարցեր, տրամադրվել է դրամական օգնություն:

-Կատարել են համայնքի բնակիչ հանդիսացող 78 անձանց ընդունելություն, քննարկել բոլոր դիմումները, բողոքները, առաջարկությունները, որոնցից 65-ին տրվել է դրական լուծում

Ֆինանսների բնագավառում

-Աշխատակազմի միջոցով կազմել և ավագանու նիստի հաստատմանն են ներկայացրել Երասխահուն համայնքի 2015 թվականի ֆինանսական տարվա բյուջեի նախագիծը, ինչպես նաև աշխատակազմի թվաքանակը, հաստիքացուցակը և պաշտոնային դրույքաչափերը հաստատելու համար:

Ապահովել են բյուջեով նախատեսված եկամուտների հավաքագրումը, տնօրինել բյուջեի միջոցները՝ ապահովելով դրանց նպատակային օգտագործումը, ստորագրել բոլոր ֆինանսական փաստաթղթերը:

-Կազմակերպել և աշխատակազմի միջոցով իրականացրել են I կիսամյակի կտրվածքով նախատեսված.

գույքահարկի գանձումը 1802.0 հազ. դրամ,

հողի հարկի գանձումը 2151.5 հազ. դրամ,

վարձակալական հողի վարձը 80.0 հազ. դրամ,

Խմելաջրի վարձ 770.0 հազ. դրամ

Պաշտպանության բնագավառում

- Աջակցել են զարնանային զորակոչին, զինկոմիսարիատից ստացված 21 ծանուցագրերը հանձնվել է զորակոչիկներին, ապահովել նրանց ներկայանալը զինկոմիսարիատ, որոնցից 7 մեկնել են ժամկետային ծառայության: Աշխատանքներ են տարվել հետախուզման մեջ գտնվող 3 զորակոչիկների գտնվելու վայրը հայտնաբերելու ուղղությամբ, որպեսզի ոչ ոք չխուսափի զինվորական ծառայությունից:

-Կազմակերպել և անցկացրել ենք համայնքի ազգաբնակչության 1 սեմինար դասընթաց և 1 գործնական վարժանք համայնքի քաղաքացիական պաշտպանության պլանի արտակարգ իրավիճակներում բնակչության տեղահանման սխեմայի սահմաններում: Համապատասխան կարգադրություններով և որոշումներով վերանայել և համալրվել են նախատեսված ջրկատների և օղակների կազմերը, անցկացվել է անհրաժեշտ տրանսպորտային, և այլ նյութական պարագաների տեխնիկական և ստուգման աշխատանքները:

Քաղաքաշինության և հողօգտագործման բնագավառում

-Կազմել և համայնքի ավագանու հաստատմանն են ներկայացրել համայնքի հողերի օգտագործման, գոտիավորման սխեմաներն ու համայնքի գլխավոր հատակագիծը:

-Համայնքի ավագանու սահմանված կարգով և սահմանված վարձավճարներին համապատասխան որոշումներ են կայացրել համայնքի սեփականություն հանդիսացող 9 հա. գյուղնշանակության վարելահողը վարձակալությամբ հատկացնելու մասին, մրցույթում հաղթող ճանաչված բնակիչների հետ կնքել հողի վարձակալության պայմանագիր:

Կազմել են համայնքի 2015 թվականի հողային հաշվեկշիռը , համաձայնեցրել համայնքի ավագանու հետ և ներկայացրել Արմավիրի կադաստրի տարածքային ստորաբաժանում, Արմավիրի մարզպետարան, Արմավիրի վիճակագրական գործակալություն:

Կոմունալ տնտեսության և բարեկեցության բնագավառում

-Համայնքի միջոցների հաշվին ամիսը 3 անգամ կատարվել է համայնքի տարածքի աղբահեռացման աշխատանքները, հնարավորինս բարեկարգվել են բավականին թվով փողոցներ, մի քանիսը ավագապատվել են:

-Կատարել ենք համայնքի խմելաջրի խողովակաշարի առանձին հատվածների վերանորոգման աշխատանքները, ամենօրյա վերահսկողություն է իրականացվում խմելաջրի նպատակային օգտագործմանը և խնայողությանը:

-Վարձել են գյուղի գերեզմանատան պահակ, որը միաժամանակ իրականացնում է մաքրման և բարեկարգման աշխատանքները, լուծված է խմելաջրի և լուսավորման հարցը: Աջակցություն են ցուցաբերել համայնքում գազաֆիկացման աշխատանքները կատարելիս, այս կիսամյակում գազաֆիկացվել է ևս 4 առանձնատուն:

Տրանսպորտի և կապի բնագավառում

Ապահովել են «Կիվա Սել-ՄՏՍ» ընկերության շարժական գրասենյակի պարբերաբար այցելումը համայնք, որը տեղում տարաբնույթ ծառայություններ է մատուցում բաժանորդներին, հեռախոսահամարների փաթեթային համակարգում ընդգրկել ենք ևս 5 բնակիչների, որի սակագինը 8 անգամ էժան է սովորականից:

-Օժանդակել ենք համայնքում առկա տրակտորների և այլ գյուղատեխնիկայի վերանորոգման աշխատանքներին, որպեսզի զարնանային - գյուղատնտեսական աշխատանքները իրականացվեն ժամանակին: Համայնքի միջոցների հաշվին վերանորոգել ենք համայնքային ենթակառուցվածքի 2 կմ երկարությամբ ավտոճեղքիային ճանապարհ:

Սկսվել են համայնքի տարածքով անցնող Արմավիր-Արևիկ-Եղեգնուտ-Երասխահուն ավտոմոբիլային ճանապարհի կապիտալ վերանորոգման աշխատանքները, որը իրականացվում է «Նորանսպորտի և կապի նախարարության «Տրանսպորտ ԾԻԳ» ՊՎ-ի կողմից: Աշխատակազմի միջոցով ամենօրյա աջակցություն և վերահսկողություն ենք իրականացնում շինարարական աշխատանքները կատարելիս:

Առևտրի և սպասարկման բնագավառում

-Աշխատակազմի միջոցով մշակել և ավագանու հաստատմանն են ներկայացրել առևտրի, հասարակական սննդի և սպասարկման ոլորտի համայնքային գործունեության կանոնները:

-Տրվել է ոգելից խմիչքի և ծխախոտի արտադրանքի վաճառքի 2 թույլտվություն, իրականացրել ենք համայնքում գործող 3 առևտրի կետերի ստուգման աշխատանքները, կազմել համապատասխան արձանագրություններն ու տեղեկանքները:

Հասարակական կարգի պահպանության բնագավառում

-Մշտական օժանդակություն ենք ցուցաբերել համայնքի տարածքը սպասարկող ոստիկանության աշխատակիցներին հասարակական կարգը պահպանելու, վարչական և քրեական իրավախախտումները բացահայտելու, կանխելու նպատակով:

-Ոստիկանության աշխատակիցների հետ համատեղ մշակել և իրականացրել ենք միջոցառումներ հատկապես երիտասարդների մոտ գողության, խուլիգանության, թրամոլության և այլ տեսակի իրավախախտումների կանխարգելման նպատակով:

Պարբերաբար ոստիկանության աշխատակիցներից տեղեկություններ ենք ստացել համայնքում կատարվող իրավախախտումների վերաբերյալ, ձեռնարկել անհրաժեշտ միջոցառումներ: Համայնքը սպասարկող ոստիկանության աշխատակցին տրամադրել ենք աշխատասենյակ, ամենօրյա հաշվետվություն ենք ստանում նրանից համայնքի օպերատիվ իրավիճակի մասին, համատեղ ձեռնարկում կանխարգելիչ միջոցառումներ: Վարչական պատասխանատվության ենք ենթարկել համայնքի 2 բնակչի:

Կրթության, մշակույթի և երիտասարդության հետ տարվող աշխատանքների բնագավառում

-Համայնքի երիտասարդների համար 1 անգամ կազմակերպել ենք համերգ-միջոցառում, տրամադրել համերգի տոմսերը:

Համայնքի միջոցների հաշվին ստեղծել ենք հայկական ժողովրդական և ազգագրական պարի խմբակ, որտեղ սովորում են համայնքի շուրջ 40 երեխաներ: Արմավիրի մարզպետի աջակցությամբ ձեռնամուխ ենք եղել համայնքի միջնակարգ դպրոցի ներքին հարդարման և վերանորոգման աշխատանքներին, սակայն դասասենյակները և լաբորատորիան դեռևս կահավորման և համալրման կարիք ունեն նոր գույքով:

Աջակցել են միջնակարգ դպրոցի բնականոն գործունեությանը, դպրոց հաճախելուց խուսափող երեխաների և նրանց ծնողների հետ տարել բացատրական աշխատանքներ, հետևել ուսման որակի և կրթամակարդակի բարձրացմանը:

Նախորոք կազմել ենք շրջանավարտների անձնագրավորման գործերը և վերջին զանգի հանդեսի ժամանակ հանձնել անձնագրերը, օժանդակել վերջին զանգի հանդեսի պատշաճ անցկացմանը: Մասնակցություն ենք ցուցաբերել մայիսի 28-ին Սարդարապատում անցկացվող տոնի միջոցառմանը:

Մայիսի 9-ի հաղթանակի օրվա կապակցությամբ կազմակերպել ենք տոնական միջոցառում, սոցիալական օգնություն ենք տրամադրել Հայրենական Մեծ Պատերազմի վետերաններին և Արցախյան Ազատամարտի մասնակիցներին:

Սոցիալական օգնություն ենք տրամադրել նաև 100 տարեկան մեկ բնակչի:

Սոցիալական օգնություն ենք տրամադրել նաև 22 պետական ԲՈՒՆ- բում սովորող համայնքի 10 ուսանողների:

Առողջապահության, ֆիզկուլտուրայի և սպորտի բնագավառում

-Օժանդակել են համայնքի բուժկետի բնականոն գործունեությանը, լուծել էլեկտրաէներգիայի և ջեռուցման խնդիրները, բնակիչները ստանում են որակյալ մատչելի բուժօգնություն: Կազմակերպել արևելյան մարտարվեստի պարապմունքներ շուրջ 25 պատանիների համար, որոնցից շատերը մարզային, հանրապետական մրցաշարերում գրավել են մրցանակային տեղեր և իմ կողմից արժանացել դրամական խրախուսանքի:

Գյուղատնտեսության բնագավառում

-Աշխատակազմի միջոցով աջակցել են համայնքի բոլոր հողօգտագործող տնտեսություններին շուրջ 300 հա. ցանքատարածությունների վրա գարնանային գյուղատնտեսական աշխատանքներին նախապատրաստվելիս, մասնավորապես սերմացուների, պարարտանյութի, թունաքիմիկատների մատակարարման գործում, գյուղտեխնիկայով ապահովելու հարցում: Կատարել ենք համայնքում առկա բոլոր տեսակի անասունների և թռչունների սեռա-տարիքային հաշվառման, ինչպես նաև նրանց պրոֆիլակտիկ բուժման և վակցինացման աշխատանքները: Հողագործությամբ զբաղվող մենատնտեսների համար կազմակերպել են դասընթացներ «Հազարամյակի մարտահրավեր հիմնադրամ «Հայաստան» գրասենյակի կողմից ֆինանսավորվող «Ջրից դեպի շուկա» ծրագրի շրջանակներում, և 10 մենատնտես ստացել են որակյալ ուսուցում և վկայական: Համայնքի գյուղատնտեսական նշանակության «Չիման» կոչվող հողահանդակում վերջերս շահագործման է հանձնվել ևս մեկ խորրային հոր, որը զգալիորեն թեթևացնում է ոռոգման մայր ջրանցքի ճանրաբեռնվածությունը և ավելի արդյունավետ դարձնում հողօգտագործումը:

Աշխատակազմի միջոցով կազմել են համայնքի մշակաբույսերի և ցանքատարածությունների ամենամսյա և հունիսյան հաշվետվությունները և ներկայացրել համապատասխան կազմակերպություններին:

Արմավիրի մարզի Երասխահուն համայնքի

ղեկավար՝

Արմեն Ալետիսյան

14.07.2015թ.

